

La BCG investescha en la regiun da Scuol

Renovaziun da la sala da clients ed amplificaziun da la cussegliaziun

Cuira, ils 19 da mars 2019 – Glindesdi proxim cumenza la renovaziun da la sedia regionala da la BCG a Scuol. Ultra d'ina sala da clients che vegn concepida da nov profiteschan las clientas ed ils clients a partir dals 13 da matg 2019 d'ina nova moda da cussegliaziun en in ambient modern. Ils 14 da matg cumenza gia la proxima renovaziun da la BCG a San Murezzan. La reavertura ha lieu il 1. da fanadur 2019.

Las pretensiuns envers ina banca moderna èn sa midadas. Las clientas ed ils clients regleschan blers affars da banca pli e pli savens via ils chanals electronics. En las filialas van els surtut per cussegliaziuns personalas. Retrair daners al spurtegl – quai fan ins adina pli darar. La BCG reagescha sin quest svilup ed adatta cun la [sedia regionala a Scuol](#) il proxim lieu pli grond a quests basegns.

Dapli cussegliaziun en in ambient modern

Dals 25 da mars fin ils 10 da matg 2019 renovescha la BCG cumplettaimain sia sala da clients a la sedia regionala a Scuol. Durant quel temp porscha ella tut ils servetschs en in edifizii da banca provisoric en il medem lieu. A partir da l'avertura ils 13 da matg 2019 pon las clientas ed ils clients profitar da las localitads renovadas e d'ina nova moda da cussegliaziun. Natiralmain pon ins retrair daner contant era vinavant, en il futur simplamain als novs automats. Suenter la renovaziun è la BCG Scuol averta sco fin ussa da glindesdi fin venderdi, da las 08.00 fin las 12.00 e da las 13.30 fin las 17.00.

Il contact personal stat en il center – amplifitgar las soluziuns digitalas

«Discurs da cussegliaziun individuals pudain nus far sin dumonda betg mo en banca, mabain er a chasa tar las clientas ed ils clients», accentuescha Richard à Porta, manader da la regiun Scuol, l'importanza dal contact personal. Il medem mument investescha la BCG en sias purschidas digitalas, cun las qualas ella vul simplifitgar ils affars da banca a sia clientella. In exempel è il center da clients, nua ch'ins po empustar online daner contant ed al laschar trametter a chasa cun la posta u era fixar online in termin. Dapli davart las soluziuns online per il banking da tuttas uras chattais Vus sut gkb.ch/digital.

Contact per ils collavuradors da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa 1009 collavuraturas e collavuradors (stadi dals 31-12-2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 26.5 milliardas in gudogn dal concern da CHF 185,1 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	4 da matg 2019
Rendaquint semestral 2019:	25 da fanadur 2019